

)(2^r

3

Dem Hochwurdigften
in Gott Vatter/ vnd Wol=
Edlen Herrn/ Herrn Wilhelmen
von Hochkirchen/ auß Gottlicher
vorfehung Erwölten/ vnd Confir=
mirten, Apten/ vñ Herrn deß Kay=
ferlichen freyen Stiffts/ vnd Adeli=
chen Collegij S. Annonis, auff
Siegberg/ Herrn zu Siegberg/
Stralen/ Guls/ vnnd Ewen=
heim / rc. Meinem Gnedigen
Herrn.

DEmnach/ Hochwur=
digfter in Gott Vatter
wol Edell/ vnnd Gnedigen
Herr/ von dero Allergroßmechtig=
fter/ Majeftätifcher/ vnd Aller Ober=
fter Oberkeit Gottes/ gleich auß ei=
nem Guten allezeit fließenden/ vn=
auffchöpflichen/ allertiefften/ vnnd
Lebendigen Gnadenbrunnen/ alle/
vnd jede höhifte/ Hohe/ Nidere O=
berkeite/ Gemeinen Vatterlandes/
A ij Standts=
A ij Standts=

)(2^v

4 Dedication.

Standts Ambdts/ vnd Stadts-
 furft eher/ Gericht / vnd Gerechtig-
 keit Adminiftratoren, vnd Gemei-
 nen Nutzens Furgeletzte herfliessen
 vnnd ab demselben/ alß von einem
 immer grundenen/ am wasserbach
 gepflantzten zu Rechter zeit frucht
 bringigē Ehrenbaum/ zunehmung/
 vnd wachsthumb/ alß: Weißheit/
 Furfichtigkeit/ vernunft/ klugheit/
 großmutigkeit/ tapfferkeit/ maßig-
 keit/ billichkeit/ gerechtigkeit/ vnd alle
 andere Politifche Thugendte bre-
 chen/ vnd herbekommen. Alß/ vnd
 hierumb muß die Stadt/ vnnd Ge-
 mein Standt nit alfolchen Obe-
 ren/ vnnd Burgermännern befelt/
 vnd befetzt werden/ die den Gemei-
 nen Nutzen/ alle Geitigkeit hinweg-
 gethan/ zuuerfehen/ nicht nach art
 Stratoclis, vnd Promoclidis. wel-
 che daß Richt/ vnd Gemein Hauß/
 eine Guldine Erndt namfeten/ hin-
 machen: Die durch eigen anmu-
 tung

)(3^r

Dedication.

5

tung/ vnd trib nicht darzugetrieben/
 fondern recht/ vnd ordentlich deme
 heilfamen Standt durch auderer
 Mittel/ Rathspruch/ Erkendtnuß/
 vnd Acclamation, furgeletzt: Die
 jhr Vatterlandt Lieben: Die alle
 frombe/ vnd auffrechte gefundt/ vñ
 wollfthendt begeren: Die sich in
 dern Burger Sitten/ leben/ vnnd
 welen schicken/ vnd gleichen Rech-
 tens mit selbigen gebrauchen: Die
 sich nicht niderträchtig/ vnd veracht
 ftellen/ noch sich erheben/ vnd auff-
 baumen/ fondern daß alles in guter
 Ruh/ vnnd ehrlich feye/ faft wundt-
 fchen: Die mit weifer/ vnd verften-
 digen Redt/ fo löblich/ furtrefflich/
 eine zierdt deß Manns/ vnnd liecht
 des verftandts ift/ daß lafter/ vnnd
 trughafft bößheit deß Schuldigen/
 dem billigen haß vnderwerffen/ vñ
 ans Halßgericht verfricken/ durch
 jhrer vernunfft Beiftandt/ die vn-
 fchuldigen von Straff erretten:

)(iij Die

)(3^v

6 Dedication.

Die daß ſchwach/ trag/ vnnd vmb^z
 fallendt Volck zum Schmuck dero
 Erbarkeit erwecken/ abirrung ab^z
 leiten/ daffelb wider boßhafftige gebu^z
 rendermaffen anreitzen/ vnd daß er
 zurnte mit jhren ſanfften worten/
 ſanfften/ vnd ftillen können: Die jh^z
 nen einen großmutigen/ Ernſthaff^z
 ten tapfferen/ Starcken/ Billigen/
 wollthätigen/ Freigebigen/ milten/
 vnd Sanfften Biderfurften/ vnnd
 weifer/ welches Arbeit in geſchaff^z
 ten/ welches Mannheit in gefährten/
 welches Ernfts in händlen/ welches
 ſchnelle Embfigkeit in Sachuer^z
 waltungen/ welches Rath in fur^z
 ſchlagungen ſie fleißigt/ vnd ange^z
 legeneft folgen/ außerkiefen: die die^z
 ſem faft/ vnd ohngeſparten fleiß ob^z
 ligen/ daß nicht allein ſich ſelbſten/
 Reich machen/ ſondern auch den
 Kinderen/ nächſte vnnd freundten
 beuorab aber dem Gemeinen Nu^z
 tzen fortheil einbringen die daneben
 jhnen

)(4^r

Dedication.

7

fihnen/ nach laut deß Catonis Ma
 joris, einen Alten Ackerbawer/ wel
 cher/ da er gefragt wurde/ weme er
 äete/ antworte/ den vnfterblichen
 Göttern/ die nicht gewolt/ daß allein
 von den vordern vnd Eltern nem
 men/ fondern auch den nachkomēn/
 vnnd Kindern geben folte/ zufolgen
 furfetzen: Die jhnen nach weife ei
 nes Schiffhern/ vnnd Oberften
 Bawmeifters/ folche Mitt geholf
 fen/ vnd diener/ welche vernunfftig/
 auß vieler erfahrung gelehrt/ vnd in
 reden/ bewegen/ ratfchlagen/ ent
 fcheiden/ ertheilen/ verembaren/ ver
 fuhnen gefchickt/ vnnd bequem er
 kandt werden/ erwehlen/ vnnd auß
 nemmen: die alle feiandtſchafft hin
 gelegt/ auch die widerwertige/ ab
 vnbillig zugefugter gewalt/ vnnd
 chmach/ geacht die graufamkeit/
 vnd vnmilte bei allen verhaßt/ milte
 aber vnd gutigkeit bey jedermennig
 lich Lieb gehalten wirdt/ loß erken
 A iiij nen:

A4^v

8 Dedication.

nen: die/ weiln sie billich gerumbt
 fein wöllen/ keinem schmeichlern die
 ohren herhalten/ noch jhnen die fe^r
 deren lefen lassen/ sondern selbige
 liebkofung/ alß ein lafterhafft/ schäd^r
 lich vnd ohnnutz ding weitest ab sich
 abkehren: Die furnemblich den Ge^r
 meinen Nutzen/ gleich wie die Artz^r
 te/ fo den Leib curieren, auch daß
 geringste Gliedmaß/ da es ohnge^r
 fundt/ heilen/ an allen enden/ vnd in
 allen Stucken fortsetzen/ bedienen/
 vnd fordern: Die jhnen ein Be^r
 gierdt deß Volcks erwecken/ daß
 selb mit aller gutthätigkeit/ sanfft^r
 muth/ vnd billichkeit begehen/ dessel^r
 ben klagungen/ vernunfftiglich/ vnd
 kundtlich abschaffen: Jahe/ die in
 allem weitberumbt/ vnnd faft fur^r
 treffenlich gesehen/ vnd großgeacht
 werden.

Dan eines Nutzen/ vnnd gemä^r
 fen Obern/ vñ Gemeinē Standts^r
 uerwefers furnembfte Thugende/
 daß/

)(5^r

Dedication.

9

daß/ gleich wie ein Beinkönig/ daß
 Gemein Volck weife/ vnd mit heil-
 famen Satzungen/ Gefätzen/ vnnd
 ftatuten, regire, vnnd leite: deß
 Volcks vnmäßige Begierdt zäume/
 vnd zäume/ daffelb in beffere/ vnnd
 Mittelwege/ ab dem wolluftens vn-
 wege/ führe: Daß fcheutzlich/ vnnd
 mit Geitz befchmitztes/ vnd befuddelt
 kleidt ablegt/ dargegen dero Mäßig-
 keit/ Nutzlichkeit/ vnnd Trewkleidt
 anlege. Daneben/ daß das mit ge-
 fchwinden aufflauffs winden/ vnd
 großem auffruhrs/ vngewitter ge-
 triebenes Volck zur ftillen ruw
 bringe/ gefunde lufft mache/ fchon
 wetter errege/ vnnd die vneinigke-
 winde ftille/ vnnd lege: daß allen
 zanck/ vnnd haderbrunft/ gleich wie
 das feur fo in waffer geworffen/ alß
 baldt gelofchen wirdt/ außlefehe/
 vnd wider erküle.

Vnd weiln die Stadt/ fo in vn-
 einigkeit vnnd gefpalten ftehet/ kein
)(v gluck

)(5^v

10 Dedication.

gluck/ vnd wollftandt vberkommen
 mag/ muffen alle mißhellunge/ vnd
 dernfelben anfang beuorab verhu
 tet/ vnd vorkommen werden. Soll
 hieneben des Königs Sciluri fcho
 nes Apophthegma woll in acht
 genommen werden/ welcher/ da er
 sterben wolte/ vnnd achtzig Kinder
 affterlieffe/ ein Bundlin Pfeile/ oder
 wurffwaaffen dargabe/ vnnd einen
 jedwedern die zuzerbrechen heiffe/
 vnd alß keiner vnter jhnen/ folches
 zuthun vermogt/ name er felbft jm
 einen Pfeil nach dem andern/ zer
 brach/ vnnd lehrete die nachfolgen
 der/ vnnd letzter wortt: Jhr meine
 kinder/ fo jhr vnter euch eins/ wer
 det jhr Macht gewinnen/ vnd lang
 ftehen/ So jhr aber zertrennet/ mit
 vneinigheit bewogen/ vnd Spaltig/
 werdet jr ſchwach bleiben. Plutarch.

Kan füglich hieran deß Königs
 Miciphæ auß Salluftio herbracht
 letfter Spruch gefetzt werden: Der
 felb/

)(6^r

Dedication. 11

felb/ weil er vnuermögen/ abgelebt
 war/ vnd daß daß leben baldt zube-
 schliessen/ verftunde/ berieffe alle fei-
 ne freundte/ vnd verwandte/ jmglei-
 chen auch feine kinder/ vnd sprach/
 folche wort: Ich verlaße euch ohn-
 zweuel/ vnd gewißlich/ da jhr fromb
 bleibt/ ein Mächtig/ da jhr aber böse/
 vnnd vneins/ ein schwach König-
 reich. Dan kleine dinge mehren sich
 durch einigkeit/ groffe aber zerfallen
 durch vneinigkeit.

Wannehe ein Furfteher/ vnnd
 Stadtuerwalter folcherweiß deß
 Gemeinen Nutzens Ambt bedie-
 net/ wirdt in allem nachfolgige vn-
 derthonen/ vnnd gehorfames volck
 haben. So aber die dero Gemeind
 furfthen felbft bößlich wider die Ge-
 fatz handeln/ vnd daß furgeschriebe-
 ne Recht verachten/ folgt nochwen-
 dig/ daß die volcker dern vnauffrich-
 tigkeit vnheil/ vnd schaden hinnem-
 men.

A vj Dan

)(6^v

12 Dedication.

Dan gleich wie in Schiffen die
 verbrechungen/ fo von den Schiff-
 knechten begangen/ geringen scha-
 den zufuhren/ dargegen/ da die
 Schiffhern felbften vbertretten/
 werden zu gleich die mittschiffenden
 in gemein vngluck/ vnnd gefährlig-
 keit eingefuhrt. Welches eben auff
 die Obern/ vnd Nidern/ Gemeinen/
 Priuat Standts Männern vber-
 tretungen gedeutet werden kan. Si-
 quidem Regis ad exemplum to-
 tus compenitur orbis.

Hergegen werden gehalten/ vnd
 feindt schuldig alle vólcker jhrem O-
 beren/ Standt/ vn̄ Ambts admini-
 stratoren, die gewalt/ vnd Oeber sie
 zugebieten haben/ nach lehr deß H.
 Apoftels Pauli Ehr/ geburenden/
 gehorfamb zugeben/ vnnd beifteur
 beizufchieffen.

Daneben/ wirdt keine Gemeind/
 kein volck/ keine Månge befunden/
 vie nucht von weiferen/ leiteren/
 mei-

)(7^r

Dedication. 13

meifteren/ vnnd erzieheren in Sa-
tungen/ Sitten/ Leben/ vnnd welen
gewiefen/ geleitet/ gemeifert/ vnnd
erzogen werde.

Darumb man billich die freche/
bofe/ vñ ſchädliche vólcker ſchätzt/ fo
jhre gemuter zu vnruh/ vñ auffruhr
auffwecken/ die Itarckmutige/ herrli-
che/ ehrliche/ vnnd berumbte Ober-
mãner/ die dern Gemeinen Standt
viel Nutzens bewiefen/ vnnd ein-
bracht/ beneiden/ denfelben vnbilli-
gen vergunft/ ſchmach vnnd miß-
traw/ wider billigen gehorfam/ lieb/
gunft/ vnd trew/ anthun/ vnnd die
beſchmeiffen.

Dan daß volck/ fo durch die Fur-
treffliche Furſtehere auß vielen ge-
fâhren/ arbeitfeligkeiten/ feiandt-
ſchafften/ vnnd vbelen errett/ kan
nicht vnderlaſſen/ da es nur ein
danckbar gemut bei jm hat/ den
herrlichen Mânnen/ die daß Ge-
mein Vatterlandt mit heiffamen

)(7 lehren

)(7^v

14 Dedication.

lehren/ Satzungen/ vnnd duiciplinen, politifchen/ vnnd Burgerlichen Breuchen gezüret/ nicht allein für die fleißigste Vorforg/ Acht/ Wacht/ vnnd bedacht/ Ehr/ vnnd ſchuldigen gehorfam zu zeigen/ ſonderen auch/ eingedenck deren faſt groffen bewiefenen Wollthadt/ Jhre leibe/ haab/ vnd guter zu ſteur des Vatterlandts beſchützung darzu reichen/ gutthätiglich/ vnnd ſelbſwillig fürzufrecken/ vnnd hinzufchieffen.

Da aber die vngehorfame Mänge die Stim deß Burgerlichen Weifers/ vnnd Fuhrers nicht hören/ die verachten/ alle dern Obere befehle/ geheiße/ vnnd trewe vermanungen in windt ſchlagen/ daß daher alle arbeit/ angewendter fleiß/ vnd koſten verlohren/ vnnd ein faſt verderb: inner: vnnd Burgerlich Krieg/ der den ſuffen/ heilfamen/ vnftillen frieden auff hube/ befurcht wurde/

)(8^r

Dedication. 15

wurde/ muß die vntraciterliche
 Månge/ alß ein Wildt/ vnnd vnar-
 tig Vieh/ vnd vnuernunfftig thier/
 gleich wie die Artzte/ dahe sie ein boß/
 vnd hart gefchwulft/ oder gefchwår/
 daß aller andern glieder kräfte ab-
 ätzt/ oder sonst ein anderen ohnheil-
 baren schaden/ vnnd vbell befehen/
 dasselb außbrennen/ oder gantzlich
 außschneiden/ auß dero Gemeind
 außgeschloffen/ vnnd ab der Stadt
 abgetrieben werden.

Alles aber waß bißdaher geredt/
 gehöret an die Burgerliche vnter-
 weifung/ vnnd zu der Politischen
 kunft/ die waß ein Jedweder in fei-
 nem Obern/ Nidern/ Gemeinem/
 vnnd Priuat Standt thun/ lassen/
 anfahen/ enden/ rathschlagen/ er-
 kennen/ entscheiden/ außsprechen/
 vnd zu endt fuhren soll/ fatten/ vnnd
 vollkommenlichen bericht gibt/ vnd
 lehret/ wie die Obere gegen Nidere/
 Nidere gegen Obere sich vnter sich
 al-

)(8^v

16 Dedicacion.

aller Burgerlicher zucht/ vnnd
Politischer Difciplin nach ver-
halten/ vnd fchicken muffen.

Alß nun zu dero Politifchen
kunft groffen luft truge/ vnnd ein
klein handtbuchlein/ welches dem
Gemeinen Nutzen nutzlich were/
zufammen zutragen eine fondere
Begierdt hatte/ feindt mir deß aller-
tapffereften/ vnd weitberumbteften
Hiftorifchreibers Plutarchi Mo-
ralia zuhanden kommen/ vnd nach
dem Jch die fleißigft durchgesehen/
vnd gelesen/ hab gesehen vnd befun-
den/ daß der Tractat Politico-
rum, oder Burgerlicher vnterwei-
fung allen Obern/ Standt/ Stadt/
vnnd Ambtuerweferen/ Nideren/
Gemeinem Volck/ vnnd Månge
zuwiffen faft nôtig/ vnd nutzlich/ fur-
nemblich/ vnnd beuorab/ weiln dar-
innen Plutarchus den Jungen
Römifchen Kaifer Traianum zur
gnuge thut lehren/ vnnd vnterwei-
fen/

)(9^r

Dedication 17

fen/ wie man ſich in dero Regie-
 rung/ in allen Stucken verhalten
 muffe. Solches Politifch/ vnnd
 Burgerlich Buchlin hab mit ſon-
 dern fleiß auß Latinifcher/ in Teut-
 ſche Sprach wörtlich vbergefetzt/
 deffen Jnhalt ein wenig droben zur
 gnuge gemeldet.

Darnach/ vnnd alß in felligen
 Moralibus weiter fortgefahren/ ift
 mir vnter anderen ein faß nützlich
 Tractätlin/ wie einer verſchaffe/ vn̄
 zuwegen bringe/ daß Nutzbarkeit/
 vnnd vortheil von Feiandten/ vnd
 vergunſtigen vberkomme furkom-
 men/ welches/ weiln darinnen Plu-
 tarchus gleich im anfang/ vnd vor-
 redt die vorige Politica faß lobt/ vn̄
 dieſem Tractätlein anhengt/ vnnd
 viele nothwendige Lehren/ wie man
 ſchilt/ leſter/ ſchimpff/ Spott/ vnnd
 Schmitzworten begegnen/ wider-
 ſtehen/ vnnd die widerſtreiten/ vnnd
 ablehnen ſölle/ vnnd ſonſt fehr viele
 an-

)(9^v

18 Dedication.

andere Merckliche Lehrtucke/ vor-
komlich in sich hat/ vnnd begreiff/
hab auch auß Latinifchen in Teut-
fchen Text von wort zu wort trans-
feriert, vnd dem vorigen Burger-
lichen Buchlin beigefugt.

Zu deme alß furbaß getretten/ vnd
fortgefchritten/ hab einen falt auß-
bundigen fchönen Politifchen/ vnd
Ethifchen Tractat vom Furwitz/
vnnd Ohnnutzen Sorg betroffen/
warinnen mancherley/ vnd einem
Politifchen/ Ethifchen/ vnd Bur-
gerlichen Manne falt dienliche
Lehrpuncte gefunden werden/ vnnd
wie viele in frembder lafter/ auß-
kundtfchafftungen/ vnnd falfch-
gefchefftig fein/ die wider die Nach-
baren reden/ hergegen in nichtem
gedencken/ daß der/ fo gegen andere
viel lefterliche Wort außfchutten/
vnd fagen will/ aller lafter/ vn̄ felbft-
gebrechen befreyet fein mufte/ vnnd
daß fchändtlich feye frembder fâh-
lung

)(10^r

Dedication. 19

lung fehen/ vnd feinigeer vergeffen.

Denfelben Tractat/ weil den
zweyen vorigen beyzufugen be-
dacht nötig/ vnnd gut fein geacht/
hab gleichen fleiß/ wie die vorige/
wortlicher eigenschafft nach/ auß
Latin in Teutfch vbergefetzt/ vnd da-
mit dieß Politifch/ Ethifch/ vnnd
Burgerlich handtbuchlin gefchlo-
fen.

Nun zwar war folches ins offen
zugeben nicht gemeint/ daß nicht/
alß wan auß ohnbefinnlichkeit/ vnnd
vnfleiß/ welche gentslich ab einem
werck abein follen/ ift auch nichts
deß mehe/ ab eines vernunfftigen
Mans tapfferen gemuth abgefou-
dert feye/ weder die jhrthumb/ fãle/
leichtfertigkeit/ vn̄ ohnbefinnlichkeit/
zu transferiern, dz andere beffer ge-
than hetten/ jetzt theten/ vnnd her-
nach thun kondten/ auff mich ge-
nommen haben/ angefehen/ vnnd
gefchimpffiret wurde.

Nichts

)(10^v

20 Dedication.

Nichts deftominder/ alle leicht-
fertigkeit/ ohnbefinnlichkeit/ vnnd
vergeblichen Ruhm hindengefetzt/
bin durch vieler dero Politic: vnnd
Ethic uerwandten vielfältig anhal-
ten/ wollmeinen/ Raht/ vnd nit auß
freiwilligem Furfatz herzu getrieben/
vñ gantzvberredt worden/ daß zulaf-
fen/ daß daffelb Politifch/ Burgerli-
cher vnterweifung/ vnnd Ethifch
handtbuchlin zu erfprießlichem ge-
meinen Nutzen/ vnd Burgerlicher
difciplin zu erfchießlichem guten
getruckt/ ins offen herfurkâme/ vnd
außgiengen.

Damit aber meine Politifche
Arbeit/ der Jch deß Plutarchi Lati-
nifchen Text in allem gefolgt/ vnnd
fo deutlich/ vnnd verftentlich ge-
kondt/ vbergefetzt/ von beißigen Zoi-
lis, Ariftarchis, vnnd Klugelmei-
ftern ohngebiffen/ vnnd ohnuerletzt
gantz bleibe/ ift mir eines Veften
Schutzherrn/ fo allen furwitzigen
vnd/

)(11^r

Dedication. 21

vnd ohnnutzen arbeittraffern zu
weern Stärck hette/ von Nöthen.

Derohalb Ew: Hochw/ vnd G.
(significat Gnadt.) alß die beuorab
in wahrer Gottsfurcht eiferig/ in
Heiligen Kirchen/ Schulen/ vnd
Arbeitseligen fachen beforderlich/ in
Ehren/ Weerens Standt vnd A-
delichen Stam beruhmblich/ in Ge-
meinen Nutzens gefchâfften fur-
sichtig/ in hândlen Verftendig/ in
befchutzung deß Gemeinen/ Vat-
terland:s/ vnd Burgerfchafften
Starckmutig/ im gâtzen leben/ Sit-
ten/ vnd wesen nützlich/ vnd gemäß/
in aller dinge maßigkeit furtreffen-
lich/ in Politifchen/ vnd Burgerli-
chen Satzungen/ Gewonheiten/ vñ
Breuchē bedachtfam/ in Gerichts/
vnd Gerechtigkeit bedienung bil-
lich/ jahe/ ein folch Ehren Ober/ Bi-
der/ Politifch vnd Burgerman/
daß hierumb von jedermenniglichē
mit billiger/ vnd fchuldiger ehrerzei-
gung/

)(11^v

22 Dedication.

gung/ vnd reuerentz gezieret/ groß-
geacht/ vnd hochgeehret wirdt/ zu ei-
nem veltten Schirmhern/ vnd Pa-
tronen dieses Meines zusammen-
getragenes/ vnd vbergefetzten Bur-
gerlichen Handtbuchlins/ furnemb-
lich/ vnnd angefehen/ ich derofelben
Ew. Hochw. vnd G. mit dienft ver-
wandt/ vnnd deß Adelichen Colle-
gij Lector, vnd darumb ein kleine
danckbaren gemuts vollmeinende
anzeigung/ vnd gluckfeligen Newen
Jahrs wundfchung zu confecirn,
vnnd dediciren entfchloffen gewe-
fen/ faft gewundtfcht/ vnnd außer-
wehlet/ vnd folgents vnder derofel-
ben Ew. Hochw. vnd G. Nahmen
vnd patrocinio auß vnnd ins ge-
mein gehen laffen: Mit gantzunder-
dienftwilliger vnnd fleißigfter Pitt
diefelb Ew. Hoch. vnnd G. diefer
meiner Arbeit ein billiger Ariftar-
chus Schätzmeister/ vnnd ein velt
Patron wider aller vnbilligen klu-
gel-

)(12^r

Dedication. 23

gelmeiftern vnd dero Politic, vnnd
Ethichâfigen Zoilorum Furwitzig-
ge Arbeit ftraffung/ jhr auch diß
Buchlin gefallen/ vnnd mich dero
felben befohlen laffen/ vnnd Mein
Allzeit Hochw. Gnediger Herr fein
vnd bleiben wolle.

Daß vmb Ew. Hochw. vnd G.
Jedezeit in allern vnderdienstwil-
ligftern gehorfambftern vnd gantz
geneigtefem willen zuwider erfat-
ten/ erkeñe mich/ vnd bin verpflichtet/
vnd fchuldig.

Gott aller guten/ vnd Policei-
Ordnungen Stiffter/ vhrhab/ vnd
Anfänger/ wolle Ew. Hoch. vnnd
G.in Geift: vnd Weltlichem Regi-
ment/ im Ehren/ Obnern/ Gemei-
nen Vatterlandts/ vnnd Nutzens
Standt/ in allzeit gefrifter gefundt-
heit/ gewundtfchtem Heill/ vnnd
wollftandt: Daneben alle Colle-
giat, vnnd Adelige Stiffs Herrn
vñ vnderthanen in einhelligen Mei-
nun-

)(12^v

24 Dedication.

nungen/ gefunden Religion vnnd
gemuteren ftarck/ gefrifcht/ vnnd
rein/ in diefem Jahre/ vnnd herauff
folgenden Jahren/ vnd gantzer leb
zeit/ fembtlich/ vnd fonders/ mit Ew.
Hochw. vñ G zu Schutz/ Schirm/
vnnd vnder die Flugell/ dero in alle
Ewigkeit daurender Vatterlichen
Barmhertzigkeit/ allergnedigt auff
nehmen/ vnnd daß Gottes Hauß
ohnantößig bewahren/ Amen.

Geben auß Ew. Hochw. vnnd
G. Adelichen Collegio, vnnd Ab
batey auff S. Michaelis Berg zu
Siegberg/ den erften Januarij cor
rigierten Styls/ Anno nach wi
derbringung deß Ewigen Heils
thaufendt/ fechßhundert/ vnd vier.

Ew. Hochw. vnd

Allzeit vnderdienftwilli
gter gehorfambfter
Iodocus Gothofredi
Geificanus V. I. cand.

Lector.

Iod.

A1^r

25

Iod. Goth. Geific. V. I. cand.
 in Sigamont. Lect.
 An den Politifchen/ E^z
 thifchen/ vnd Burgerli^z
 chen Lefer.

Ab/ Politifch/ Ethifch/
 vnnd Burgerlich guet^z
 gunftiger Lefer/ auß
 deß Weitberumbteften Ge^z
 fchichtfchreibers/ vnd Philo-
 fophi Plutarchi politifchen/
 vnnd Ethifchen Moralibus
 den Tractat, welcher Politi-
 ca, oder Burgerliche vnder^z
 weifung infcribirt, darnach
 daß Buchlin/ welchs/ wie ei^z
 ner verfchaffe/ vnnd zuwegen
 bringe/ daß Nutzbarkeit vnd
 vortheil von Feiandten/ vnnd
 vergunftigen vberkomme/ in
 titulirt, Drittens den auß^z
 bundigen Tractat/ welcher
 A mit

A1^v

Vorredt

mit der Infcription, vom
 Furwitz/ vnd Ohnutzē Sorg/
 decorirt wirdt/ dir zu er=
 fprießlichem guten/ vnnd er=
 fchießlichem fromē/ fleißigft
 vnnd wortlich/ auß dero Lati=
 nifch/ in gegenwertige Teut=
 fche Sprach trāsferiert, vnd
 vbergefetzt/ vnd diß Politifch/
 Etlifch/ vñ Burgerlich Häd=
 buchlin fonderlich zufammen
 gefugt/ darinnen du leichtft
 abmercken/ vnd gleich wie im
 Spiegel abpieglē magft/ wel=
 chero ehrbarkeit/ tapfferkeit/
 großmutigkeit/ fleiß/ ernft/
 embfigkeit/ vnd Muhe in allē
 Händlen/ wändlen/ gefchäft
 ten/ rath. vnd anfhlegen/ thū/
 laffen/ leben/ wesen/ enden/ vnd
 wē den fich die altē reine Heid=
 nifche Helde/ vnd Obermân=
 ner

A2^r

An den Lefer.

ner gehalten/ wie die jhr Sit-
ten Ethifche/ vnd Burgerliche
difciplin, vnnd zucht ange-
fchickt/ wie die in frembder
fåhlung auß kundtfchafftun-
verfahren/ vnd gefahren.

Vnd da diefem alfo nach-
denckeft/ wirft ohnzweiuell er
fahren/ vnnd außkuden/ daß
die gefundere Heidnifche/ po-
litifche Männer/ fo von kei-
nem Gott gewift/ Jhr hohift
gut allein in dero Thugendt
wirckung gefetzt/ vnd gentzlich
dafur gehabt/ vnnd gewißlich
gefchloffen/ wahe fie fich in
allen Thugendten alfo beflif-
fen/ vnnd fortfuhren/ daß auß-
dan vnfterblichen Lob/ Rhum/
vnd Ehr einlagen/ vnnd felbs
vnfterbliche gemuter/ vnnd in
die zahl deren Götter erzehlt
wur-

A2^v

Vorred

wurden. Fordert folches je
tzundt nicht viel erzehlens/ ift
an Jhm offenbar/ vnnd wirdt
in allen heidnifchen Schriff-
ten zur Sätze befunden.

Wir Chriften aber/ die wir
Chriftum den rechten zweck/
vnd zill/ deß allerhohiften/ be-
ften/ bewertelten/ reinelten/ al-
le eufferliche/ politifche/ vnnd
Ethifche thugendte weit vber-
fteigendt/ vnnd Ewiges Gutt
haben/ muffen vnß mit gantz
hertzlichem/ embfigem/ ohn-
auffhörlichem fleiß bemuhen/
vnd hohift mit vnferm embfi-
gften zu Gott habendem Ge-
bet/ angelegen/ vnnd befohlen
fein laffen/ daß das thewerft/
vnnd köftlichft Gut Chri-
ftum, in den Fruchtragenden
Acker/ vnferer gefundten Ge-
mu-

A3^r

An den Lefer.

muther tieffest einuergraben/
allzeit/ alß ein vnbeweglich
wollgelegen gut ruhiglich alß
da befitzen/ innenhaben/ vnnd
behalten.

Vnnd da wir daß also
trewlichft verfolgen/ werden
mit anderen eufferlichen/
vnnd politifchen Thugendß
ten/ deren wir vnß in Obeß
ren/ vnnd Nideren Stãndß
ten fruchtbarlich gebrauchen
mõgen/ vberflußigft/ vnnd
reichlichft vberfchut/ vnnd beß
gaabt werden.

Von diefem Buchlin auß
ber/ weil daß auff feinem Ruß
cken/ vnd fur sich den Ehrenß
lob/ vnd viel Nutz tragt/ darß
uon dauor vielfeltig geredt/
vnd in verfchidliche Diftin-
ctiones abgetheilet/ welches

A iij Notaß

A3^v

Vorred.

Notabilia, vñnd Merckliche
Lehren ad marginem fleiß
figt notirt, vñnd angezeichnet
findt/ will die Redt einzie
hen/ vñnd dich politifchen Le
fer weiter zu meinem nechften
blats folgenden Politifchen
Becher/ der gefullet/ vñnd
Tifch dero Furwitz/ der be
tragen ift mit allen Ethifchen
Thugendten/ ift daneben daß
gant3 Argument, vñnd Sum
marifcher Inhalt dieses
Handtbuchlins/ in gefagtem
Trinckgefchir/ vñnd Tifch
entdeckt/ vñnd offenbar/ dahin
dich hinweisen thue.

Pitt auß politifchem Ge
muth/ du wolleft dir folches
alles nach politifcher/ Zucht/
vñnd Ehrbarkeit trewlichft
gefallen laffen/ vñnd dich
mir

A4^r

An den Lefer.

mir guetgeneigt erzeigen.

Gott aller guter/ jahe/ al^e
lerhohiften Thugendte/ vber^e
fchutte dich Politifchen vnnd
Ethifchen Lefer diß Jahr/
vnnd dein gantz lebzeit vber/
mit allerley guten/ allzeit ge^e
friften Gefundtheit/ wol^e
fahrt/ Gluck/ Heil/ Friedt/
vnd Wollftandt/ daß dir zum
Newen Jahr diefes nach
Menfchlichen Gefchlechts
widerbringung/ vnnd ewigen
Heils widerer ftattung/ thau^e
fendten/ fechßhundertten/ vnd
vierdten Jahrs/ des erften
Jenners Newen Styls/ ab
dem Adelichen Collegio,
vnnd Abbatey deß Bergs S.
Michaelis, auff Siegberg/
falt gewundtftcht/ vnd geben/
vnnd dich damit Gottes
Schirm/

A4^v

Vorred.

Schirm/ vnnd mich deinem
wollmeinendem politifchem
Gemuth/ vnd trew emp^z
pfohlen haben
will.

PLV^z